

დანართი

ა(ა)იპ ახალგორის მუნიციპალიტეტის სერვის-ცენტრის დირექტორის ანგარიში 2018 წელს გაწეული მუშაობის შესახებ

ა(ა)იპ ახალგორის მუნიციპალიტეტის სერვის-ცენტრი თავის საქმიანობას ახორციელებს საქართველოს კონსტიტუციის, საქართველოს კანონმდებლობით და ორგანიზაციის წესდების საფუძველზე. შესაბამისად, დაფინანსებას იღებს ახალგორის მუნიციპალიტეტის ბიუჯეტიდან, მიღებულ სახსრებს განკარგავს დამტკიცებული ხარჯთანუსხის შესაბამისად, საანგარიშო წლის განმავლობაში ბიუჯეტში შესული ცვლილებების გათვალისწინებით.

სერვის-ცენტრის მიზანია მომსახურეობა გაუწიოს ახალგორის მუნიციპალიტეტიდან იძულებით გადაადგილებულ პირებს, რომლებიც ჩასახლებულები არიან წეროვანის, წილკნის და ფრეზეთის დევნილთა დასახლებებში. (ასევე, უანგაროდ ვუწევთ მომსახურეობას სამაჩაბლოდან დევნილ წეროვანის, წილკნის და ფრეზეთის დევნილთა დასახლებებში მცხოვრებ მოსახლეობას).

სერვის-ცენტრის ძირითადი ამოცანებია განახორციელოს სამუშაოები ახალგორის მუნიციპალიტეტის მიერ დაფინანსებული პროგრამებით, კერძოდ,

- დასუფთავების პროგრამა: აპარატი, დასუფთავება;
 - კეთილმოწყობის /გამწვანების პროგრამა;
 - საოჯახო საკანალიზაციო სისტემის მომსახურეობის ღონისძიებები:
1. საოჯახო საკანალიზაციო სისტემის მომსახურეობის პროგრამა;
 2. საკანალიზაციო გამწმენდი ნაგებობის/კოლექტორის მომსახურეობის პროგრამა;
- სასმელი წყლის სისტემის მომსახურეობის პროგრამა;
 - გარე განათების მომსახურეობის პროგრამა.

საანგარიშო პერიოდში განხორციელდა სხვადასხვა სახის სამუშაოები. კერძოდ, დასუფთავების პროგრამა, რომელიც ითვალისწინებს წეროვანის დევნილთა დასახლების ქუჩების დაგვა-დასუფთავებას, წილკნისა და ფრეზეთის დევნილთა დასახლებების შიდა ტერიტორიების მოვლა-დასუფთავებას.

აღნიშნულ პროგრამაზე გეგმით დამტკიცებული იყო 143 700 ლარი, დაზუსტებული ბიუჯეტით 154 000 ლარი. ბიუჯეტიდან მიღებულმა ასიგნებამ შეადგინა 153 391.48 ლარი (აქედან, სახელფასო განაცემი შეადგენს 120 373.64 ლარს, მ.შ. პრემია 2550.00 ლარი, რაც შეადგენს წლიური გეგმის 78.16%-ს). სახ.შესყიდვების განხორციელებისათვის დასუფთავების პროგრამის ფარგლებში დაზუსტებული გეგმით გათვალისწინებული იყო 33 450.00 ლარი, აქედან არაფინანსური აქტივების შეძენაზე 14 000.00 ლარი. ათვისებულია 33 017.84 ლარი, რაც გეგმით გათვალისწინებულზე 1.73%-ით ნაკლებია და შეადგენს დასუფთავების პროგრამით ათვისებული თანხის 21.53%-ს. მ.შ.სოფელ ფრეზეთის დევნილთა დასახლებიდან საყოფაცხოვრებო ნარჩენების გატანის მომსახურეობის საკასო ხარჯმა მოცემული პერიოდისათვის შეადგინა 3 730.00 ლარი, სოფ.წეროვანის დევნილთა დასახლებიდან საყოფა-

ცხოვრებო ნარჩენების გატანის მომსახურების“ საკასო ხარჯმა შეადგინა 998.40 ლარი, საოფისე ხარჯების საკასომ 3 013.07 ლარი, საწვავის საკასო ხარჯი - 6 701.37 ლარი, ოფისის ქირა საკასო 4 200.00 ლარი, სხვა დანარჩენი საქონლის მომსახურების საკასო ხარჯი 375.00 ლარი.

დასუფთავების პროგრამით გათვალისწინებული სამუშაოების გარდა, ა(ა)იპ ახალგორის მუნიციპალიტეტის სერვის-ცენტრის მიერ წეროვანის დევნილთა დასახლების მიმდებარე ტერიტორიის დასუფთავების პროგრამის ფარგლებში საერთო ძალებით განხორციელდა დაბინძურებული ტერიტორიების დასუფთავების ღონისძიებები. კერძოდ, ქანდის (დევნილთათვის გამოყოფილი) სასაფლაოს ტერიტორია დასუფთავდა სხვადასხვა სახის ნარჩენებისაგან და ნაგვისაგან, ფრეზეთის დევნილთა დასახლების მიმდებარე ტერიტორია და ფრეზეთის მისასვლელი გზის მიმდებარე ტერიტორია, ს.წეროვანის დევნილთა დასახლებამ შემოსასვლელი და გასასვლელი გზის მიმდებარე ტერიტორია. გაიწმინდა წეროვანის დევნილთა დასახლებაში არსებული სანიაღვრე არხები. ს.წეროვანის დევნილთა დასახლებამ არსებული ეკლესიის ეზო და მიმდებარე ტერიტორია. ს.ფრეზეთის დევნილთა დასახლებამ განვაღებთ 15 ცალი ახალი ნაგვის შემკრები კონტეინერი.

კეთილმოწყობის პროგრამა ემსახურება წეროვანის დევნილთა დასახლებაში, მიმდებარე ტერიტორიაზე, ბაღებში/სკვერებში არსებული მწვანე საფარის/ნარგავების მოვლა პატრონობის ღონისძიებების განხორციელებას.

გამწვანების პროგრამაზე გეგმით დამტკიცებული იყო 46 100.00 ლარი, დაზუსტებული გეგმა 42 100.00. ბიუჯეტიდან მიღებულმა ასიგნებამ/საკასო ხარჯმა შეადგინა 40 938.74 ლარი, აქედან სახელფასო განაცემი შეადგენს 37 446.82 ლარს. საკასო ხარჯი გეგმით გათვალისწინებულ 2.76%-ით ნაკლებია. შტატგარეშე მომუშავეთა ანაზღაურებაზე დახარჯულია 3 000.00 ლარი, რაც გათვალისწინებული იყო წლიური გეგმით.

სახელმწიფო შესყიდვების განხორციელებისათვის გამწვანების პროგრამის ფარგლებში დაზუსტებული გეგმით გათვალისწინებული იყო 1 300.00 ლარი, აქედან ათვისებულია 49 ლარი, რაც გეგმით გათვალისწინებულზე 37.84%-ით ნაკლებია და შეადგენს გამწვანების პროგრამით ათვისებული თანხის 1.2%-ს.

ა(ა)იპ ახალგორის მუნიციპალიტეტის სერვის-ცენტრის მიერ, გამწვანების პროგრამის ფარგლებში, გარდა წეროვანის დევნილთა დასახლების მიმდებარე ტერიტორიაზე არსებული მწვანე საფარის/ნარგავების მოვლა-პატრონობისა, საერთო ძალებით განხორციელდა რამდენიმე ასეული ძირი მწვანე ნარგავის დარგვა წეროვანის დევნილთა დასახლებაში შემოსასვლელში და ავტობანის გასწვრივ, დევნილთათვის გამოყოფილი ქანდის სასაფლაოს ტერიტორიაზე, ფრეზეთის დევნილთა დასახლების მიმდებარე ტერიტორიაზე და წილანის დევნილთა დასახლების მიმდებარე ტერიტორიაზე, კულტურისა და დასვენების პარკების მოწყობის ტერიტორიაზე.

წეროვანის დევნილთა დასახლების კულტურის და დასვენების პარკში მოვაწყეთ საბავშვო ანტრაქციონი.

ასევე, გამწვანების პროგრამით დასაქმებული მუშაკების მიერ გათიბა და ბალახისაგან გასუფთავდა წეროვანის დევნილთა დასახლების გზისპირა ტერიტორიები, ადმინისტრაციული შენობის მიმდებარე ტერიტორია, წეროვანში მდებარე სკოლამდელი სააღმზრდელო დაწესებულების ეზო. შეკეთდა მწვანე ნარგავების პირუტყვისაგან დამცავი ღობის დაზიანებული მონაკვეთი წეროვანში მდებარე პოლიციის მიმდებარე ტერიტორიაზე. სისტემატიურად ვასუფთავებთ ს.წეროვანის დევნილთა დასახლებაში არსებულ სანიაღვრე არხებს ამოზრდილი ბალახისაგან.

საკანალიზაციო სისტემის მომსახურების ღონისძიებები მოიცავს წეროვანის დევნილთა დასახლებაში არსებული საკანალიზაციო გამწმენდი ნაგებობის/კოლექტორის და საოჯახო საკანალიზაციო სისტემის მომსახურების პროგრამებს;

სულ საკანალიზაციო სისტემის მომსახურების ღონისძიებებზე გეგმით დამტკიცებული იყო 58 400.00 ლარი, ბიუჯეტიდან მიღებულმა ასიგნებამ/საკასო ხარჯმა შეადგინა 55 387.95 ლარი. აქედან სახელფასო განაცემი შეადგენს 52 990 ლარს, მ.შ. პრემია 700 ლარი. საკასო ხარჯი შეადგენს გეგმით გათვალისწინებულზე 2.31%-ით ნაკლებს.

სახელმწიფო შესყიდვების განხორციელებისათვის საკანალიზაციო სისტემის მომსახურების ღონისძიებებზე მ.წ. დაზუსტებული გეგმით გათვალისწინებული იყო 3 600 ლარი. აქედან, ათვისებულია 2 397.95 ლარი, რაც 33.39 %-ით ნაკლებია გეგმით გათვალისწინებულზე და შეადგენს საკანალიზაციო სისტემის მომსახურების ღონისძიებებზე ათვისებული თანხის 4,33 %-ს.

საკანალიზაციო სისტემის მომსახურების პროგრამით დასაქმებული მუშაკების მიერ საანგარიშო პერიოდში დასახლებიდან შემოსულ განცხადებებზე რეაგირების შედეგად გაწმენდილი და აღდგენილი იქნა 170 ერთეული საკანალიზაციო ჭა და გაიწმინდა ცენტრალური საკანალიზაციო მილები.

სამუსიკო სკოლაში გავიყვანეთ ახალი საკანალიზაციო სისტემა. ასევე, გაიწმინდა წილკნის და ფრეზეთის დევნილთა დასახლებაში არსებული საკანალიზაციო სისტემის პრობლემური უბნები/ჭები.

სასმელი წყლის სისტემის მომსახურების პროგრამა ემსახურება წეროვანის, წილკნის და ფრეზეთის დევნილთა დასახლებებში არსებული სასმელი წყლის სისტემის მოვლა-პატრონობის ღონისძიებების განხორციელებას.

სასმელი წყლის სისტემის მომსახურების პროგრამაზე გეგმით დამტკიცებული იყო 22 700.00 ლარი, დაზუსტებული გეგმით 24 000.00 ლარი. ბიუჯეტიდან მიღებულმა ასიგნებამ/საკასო ხარჯმა შეადგინა 22 382.32 ლარი. აქედან, სახელფასო განაცემი შეადგენს 20 781.93 ლარს, მ.შ. პრემია 300 ლარი.

მოცემული პერიოდისათვის საკასო ხარჯი 6.74%-ით ნაკლებია გეგმით გათვალისწინებულზე.

სახელმწიფო შესყიდვების განხორციელებისათვის სასმელი წყლის სისტემის მომსახურების პროგრამის ფარგლებში დაზუსტებული გეგმით გათვალისწინებული იყო 2 000 ლარ გაწეული ხარჯი შეადგენს 1 302.34 ლარს, რაც 34.88%-ით ნაკლებია გეგმი გათვალისწინებულზე და შეადგენს სასმელი წყლის სისტემის მომსახურების ღონისძიებებზე ათვისებული თანხის 5.82%-ს.

სასმელი წყლის სისტემის მომსახურების პროგრამით დასაქმებული მუშაკების მიერ 2018 წელს 1 იანვრიდან 31 დეკემბრამდე პერიოდში, დასახლებიდან შემოსულ განცხადებებზე რეაგირების შედეგად შეკეთდა და აღდგენილი იქნა სასმელი წყლის 59 დაზიანებული ობიექტი. ასევე, ფრეზეთის დევნილთა დასახლებაში აღვადგინეთ სასმელი წყლის დაზიანებული უბნები. იგივე ღონისძიებები განხორციელდა წილკნის დევნილთა დასახლებაშიც. ფრეზეთის დევნილთა დასახლებიდან ახალდაბის სკოლაში გავიყვანე სასმელი წყალი, დაახლოებით 700 მეტრ სიგრძეზე. რამდენჯერმე დაიქროლა ს.ფრეზეთის სასმელი წყლის ჭაბურღილი.

გარე განათების მომსახურების პროგრამა ემსახურება წეროვანის, წილკნის და ფრეზეთის დევნილთა დასახლებებში არსებული ობიექტების მოვლა-პატრონობას.

გარე განათების მომსახურების პროგრამაზე დამტკიცებული იყო 17 900.00 ლარ დაზუსტებული გეგმით 16 900.00 ლარი. ბიუჯეტიდან მიღებულმა ასიგნებამ/საკასო ხარჯი შეადგინა 16 453.50 ლარი. აქედან, სახელფასო განაცემი შეადგენს 11 640.00 ლარს, რაც ათვისებული თანხის 70.74 %-ია.

მოცემული პერიოდისათვის საკასო ხარჯი 2.64%-ით ნაკლებია გეგმით გათვალისწინებულზე. სახ.შესყიდვების განხორციელებისათვის გარე განათების მომსახურების პროგრამის ფარგლებში დაზუსტებული გეგმით გათვალისწინებული იყო 5 200.00 ლარი, გაწეული ხარჯი შეადგენს 813.50 ლარს, რაც 7.43 %-ით ნაკლებია გეგმით გათვალისწინებულზე და შეადგენს გარე განათების მომსახურების ღონისძიებებზე ათვისებული თანხის 29.26 %-ს.

გარე განათების მომსახურების პროგრამით განხორციელდა მთელი რიგი სამუშაო: შეკეთდა/შეიცვალა ახლით ს.ფრეზეთის დევნილთა დასახლებაში სტიქიური მოვლენების (ძლიერი ქარის) შედეგად დაზიანებული გარე განათების ლამპიონები და აღდგა გაწყვეტილი ელ.სადენები, გადამწვარი ელ.ნათურები შეიცვალა ახლით, ს.წეროვანის დევნილთა დასახლებაში დამონტაჟდა 135 ცალი ახალი ნათურა, 5 ცალი ლამპიონი, 2 ცალი პროექტორი. ს.ფრეზეთში დამონტაჟდა 110 ცალი ნათურა, წილკანში 97 ცალი ნათურა, 6 ცალი ლამპიონი. წეროვანის დევნილთა დასახლებაში ოთხ ქუჩაზე შევცვალეთ დაზიანებული ელექტროგამანაწილებელი, ფოტორელე და ავტომატური ჩამრთველი (კონტაქტორი).

გაწეული მუშაობის პერიოდში სერვის-ცენტს გააჩნდა როგორც დადებითი, ასევე უარყოფითი მხარეები. მიუხედავად მოსახლეობისადმი ჩვენი ორგანიზაციის მრავალჯერადი თხოვნებისა, ნაგვის ყუთებში არ ჩაყარონ სამშენებლო ნარჩენები: ქვა, ბალახი, ხის ტოტები და მუცხა ყუთები, მოსახლეობა არ ითვალისწინებს, რის გამოც გადავსებულია ნაგვის შემკრები ბუნკერები და ბუნკერების გარშემო დაყრილი სამშენებლო და სხვა ნარჩენები, რომელიც

იწვევს საშინელ დაზინძურებას და ანტისანიტარიას ქუჩებში (პ.ს. აღნიშნულ საკითხთან დაკავშირებით ვითხოვთ შესაბამისი სტრუქტურების დაინტერესებას და ქმედითი ღონისძიებების განხორციელებას).

მწყობრიდან გამოსულია და არ მუშაობს ს.წეროვანის დევნილთა დასახლებაში არსებული საკანალიზაციო გამწმენდი ნაგებობა/კოლექტორი, ასევე, ს.წილკნის დევნილთა დასახლების საკანალიზაციო გამწმენდ ნაგებობაში გადამქაჩი ელ.ძრავი (ორიდან მუშაობს მხოლოდ ერთი), რაც გამოიწვევს მეორე ძრავის გადახურებას და დაზიანებას. ასევე, მწყობრიდანაა გამოსული ს.ფრეზეთის დევნილთა დასახლებაში არსებული სასმელი წყლის ორი ჭაბურღილიდან ერთი, რაც განსაკუთრებით ზაფხულის პერიოდში იწვევს სასმელი წყლის დეფიციტს დასახლებაში.

პ.ს. ზემოთ მოყვანილი პრობლემები მეტად აქტუალურია. მათ აღმოსაფხვრელად საჭირო ფინანსური სახსრები სერვის-ცენტრს არ გააჩნია, გთხოვთ გაატაროთ ქმედითი ღონისძიებები პრობლემების მოსაგვარებლად.

სულ, ა(ა)იპ ახალგორის მუნიციპალიტეტის სერვის-ცენტრის დამტკიცებული-დაზუსტებული ბიუჯეტით 2018 წლის გეგმით დამტკიცებული იყო 293 700.00 ლარი, მიღებული ასიგნება საკასო შადგენს 288 553.99 ლარს, აქედან მუშა-მოსამსახურეებზე გაცემულია 243 232.39 ლარი, რაც შეადგენს მთლიანი ხარჯის 84.29%-ს.